

12.09.2012.



U Goraždu je u organizaciji Ministarstva za ljudska prava i izbjeglice BiH i organizacije „ Inicijative preživjelih od mina“ održan sastanak na temu: „ Primjena Konvencija o pravima osoba sa invaliditetom u BiH: izazovi i prioriteti iz perspektive lokalne zajednice“ u okviru projekta „ Podrška mehanizmu zaštite i promocija ljudskih prava osoba sa invaliditetom“.

Na sastanku je prikazan koncept projekta koji će po riječima prezentatora unaprijediti ljudska prava u Bosni i Hercegovini kroz podršku državnim institucijama da uspostave metode i mehanizme za učinkovito i blagovremeno provođenje Konvencije o pravima osoba sa invaliditetom.



Na sastanku su se iznijele i činjenice predstavnika udruženja sa invaliditetom o teškom položaju

ove populacije po pitanju zaposlenja, te drugim problemima vezanim za sufinansiranje ortopedskih i drugim pomagala.

Načelnik općine Goražde gosp. Muhamed Ramović je istakao da općina pomaže 6 udruženja koja okupljaju ljude sa invaliditetom, te naglasio da bi se ta udruženja trebala ujediniti u jedno krovno udruženje, jer bi na taj način mnogo efikasnije mogli ostvarivati svoja prava.

Na kraju sastanka prezentovano je i novoformirano „Vijeće osoba sa invaliditetom Bosne i Hercegovine“ koje je pod ingerencijom Ministarstva civilnih poslova BiH i Ministarstva za ljudska prava i izbjeglice BiH.

Na ovom sastanku svoje učešće je uzelo i Udruženja poslodavaca BPK Goražde ispred koga je prisustvovao sekretar Udruženja Adnan Bukva.



Tehnička služba